

Radokuu
26. päiv
2008

Nummör
5 (149)

Leht mass erälde
ostõn 5 kruuni

UMƏ LEHT

VÕROMAA RAHVA UMAN KEELEN LEHT

Kõivu Madis: pääasi, et inemise kõnõlõsi!

Kae lk 2

Vabahussõda võrokõisi mälehtüisin

Kae lk 3

Ruitlanõ ähvärädäs pudõlilahkjit

Kae lk 4



Võro tiatriateljee sai avvuhinna

Eesti tiatrikriitikide ühendüs and timahavadsõ «hää tiatri preemiä» Võro tiatriateljeele.

Tiatrikritigu kiti Võro tiatriateljee tegemiisi man tuud, et tetäs hääd tiatrit ja tegejis omma nii ammõdi poolõst näütlejä ku nuu, kinkale näitlemine om hobi.

Tiatrikritigu kiti ka tiatriateljee lavastuisi võrokeelisüst ja meelisüst ja tuud, et tükke om hää kaia nii paigapäälitsil inemiisil ku küläliisil.

Avvuhinnas sai tiatriateljee Nahkuri Ave maali.



Tiatriateljee juht
UL Tubina Taago.

Mehe, tulkõ tõsõlõ laulupääväle!

Pühapääv, 2. urbõkuu pääväl kell 11–15 tulõ Võrol Kandlõ kultuurimajan tõnõ miihilaulupäiv vai tõisi sõnnoga «Uma pido» miihikoori tõnõ laulupruuv. Laulma oodõtas ka vahtsit mihi nii maalt ku liinast.

Lauluproovin opitas selges miihikuurõ laulu ja mihi osa ütiskuurõ laulõn.

Kiä taht «Uma pido» miihikuuri mano tulla, a tiä-i, mäenest hellü tä laul, om oodõt paiga pääle puul tunni varramba.

Edimädsel miihilaulupääväle seo kuu 10. pääväl tull kokko inämb ku 70 miist, tõisi siän sepp Reemanni Piitre, Põlva maavanõmb Sibula Priit, rahandusministri Padari Ivari, laulumiis Tamra Kait ja tõisi tunnõtuud mihi. «Uma pido» kuurõ üldjuhi Otsari Silja sõnno perrä olf edimädsel laulupäävällõm väega hää.

Laulupruuvi tulõki kotsilõ saa küssü teedüst Ojari Triinu käest tel 5332 2153 vai triinu.ojar@wi.werro.ee.



Mehe edimädsel laulupääväll.

Nätäl aigu kirotä «Mino Võromaalõ»!

Võro instituut uut nikaniku 3. paastukuu päävani (03.03.2008) juttõ ja luulõtuisi 21. latsi ja nuuri võrokiilside kirätõie võistlusõlõ «Mino Võromaa».

Kirotamisõs omma sändse teema: 1.–5. klass: «Mu vanavanõmbaq ja näide elo (kombõq, süük, uskmisõq jne)», «Mu hindä vällämõtõld muinasjutt», «Mu lemmikotus», «Võromaa märgiq», «Nafalaul», «Täämbädse päävä regilaul», «Tondiq, pininukiq ja tõsõq».

6.–9. klass: «Mu vanavanõmbaq ja näide elo (kombõq, süük, uskmisõq jne)», «Võro kultuuri aabits», «Mu hindä vällämõtõld muinasjutt», «Mu lemmikotus», «Võromaa märgiq», «Nafalaul», «Täämbädse päävä regilaul», «Tundmaldaq eläjäq Võromaa mõtsun».

10.–12. klass: «Mu vanavanõmbaq ja näide elo», «Võro kultuuri aabits», «Võro kirändüse lätteq», «Võromaa märgiq», «Ma taha ilosalt Võromaalõ ää».

Kirätükü tulõ saata Võro instituuti nii paprõ pääl (Tartu 48, 65609 Võro) ku meiliga kadri.laube@wi.werro.ee. Üts osavõtja või saata võistlusõlõ mitte inämb ku kolm tüüd.

Lähembält saa võistlusõlõ kotsilõ küssü 782 8753, 51 17348 (Laube Kadri).

Kaika suvõulikuul tulõ Kaikal

Kaika suvõulikuul tulõ timahava 8.–10. põimukuu pääväl (8.–10.08.) Karula kihlkunnan Kaikal, anni teedä suvõulikooli kõrraldaja.

Suvõulikuuli peetas joba 20. kõrda. Ka edimäne Kaika suvõulikuul peeti Kaikal, kost om peri ka ettevõtmisõ nimi.

Suvõulikooli kõrraldasõ seokõrd Kaika kandi inemise Võro seldsi abiga. Plaanin omma loengu, latsikoolitus, huvisõidu jne. Täpsembäle andas teedä edespiten.

Vana Võromaa sildi pandas vällä

HARJU ÜLLE
ylle@umaleht.ee

Lehekuun pandas suurõmbidõ teie pääle vällä vana Võromaa piirisildi, otsusti vana Võromaa valla ja Võro selts VKKF. Sildi omma pruuni värvi, pääle om kirotõt «Vana Võromaa».

«Et vana Võromaa piiri ja ka kihlkunapiiri võisi är märki, tuust om kõnõldu ju vähembält kümme aastat.» seletäs ettevõtmisõ üts vidjä, Võro seldsi juhatusõ liigõ Kama Kaido. «Ku mulgi minevä sügüse Mulgimaa sildi vällä panni, sis naksi häpe. Et mulkel omma sildi, setodõl omma, a vaihõpääle om sääne tühi kotus, kon umma aoluku ja kultuuriruumi tähtsä ei peeta.»

Kama kõnõlõs, et sõs sai asi ette võetus: kacti är, määndside teie pääle ja ku palfo silte vaia lääsi. Egä külätii pääle silti panda-i, a suurõmbidõ teie pääle külh, kokko 25 silti.

Inne «Umma pito» (31.05) piässi sildi üllen olõma. Ütskõik kost puult külälise pidolõ sõitva, om näil hää nätä, kost võro keele kõnõlõjidõ maa pääle nakkas.

Silte pidolinõ vallategimine tulõ 13. piimäkuu pääväl (13.06) Võro-Tartu tii pääl Savõrna lähiksel, tulla om lubanu ka president Toomas Hendrik Ilves.

15 valda puult, kats vasta

«Silte välläpandminõ pututas nellä maakunda – Valga, Võro, Põlva ja Tartu – ja 17 valda,» seletäs Kama Kaido.

Tä ütelf, et ettevõtmisõ kuunkõlastõdi tiidevalitusõ ja suurõtiimõdõtiga ja kõnõldi läbi näide valduga, kink maa pääle sildi tulõva.

Vana Võromaa



õnnõ kultuuri-kuuntüüd tervel vanal Võromaal. Tuuperäst omgi vana Võromaa silt pruuni põha pääl nigu kõik aoluu-, kultuuri- ja luuduskaitsoväär-tüisi sildi.»

Mulke ja setodõ kuuntüü om parõmb

«Mulkel ja setodõl om seoniaoni üle maakunnapiiire kultuurikuuntüü parõmbalõ käümä län-nü,» hindas Kama Kaido. «Üten tütäse mulgi vala nii Vil-

ländi ku Valga maakunnan, seto valla nii Võro ku Põlva maakunnan. Võrokõisil om seo sildiprojekt edimäne sääne ütine ettevõtmisõ, ku umavalitusõ tegevä üle maakunnapiiire kultuurikuuntüüd. Tuu, et vana kultuuriipiiri är märgitäs, ei võta kellelki tükku külest är, a and hoobis lisaväärtüse manu.»

Ka kihlkunapiiri võisi är märki

Kihlkunapiire tähüstämise kotsilõ ütles Kama, et tuu asä ajamisõ man olõsi tähtsä paigapäälise iistvõtmisõ.

«Tuu om küländ suur ettevõtmisõ ja Võro selts ütsindä ei jõvva kõrraga kõgõlõ vanalõ Võromaalõ kihlkunnasilte üles panda,» märk tä. «Ku lõvvüis sääne seltskund, kes taht uma kihlkunnasildi üles panda, sis Võro seldsi puult tulõ asalõ tukõ ja api: avitami täpsüstä, kon õigõ piiri omma ja muid küsimüisi lahõnda.»

Kama kõnõlõs, et kihlkunnapiiire tähüstämises om kõnõld ka muial Ees-tin ja või-olla tuu asi lätt kunagi hoobis suurõmbalt käümä.

tuu hirmu peräst, et siltest või segähüst tulla. «Meil lätt tuu piir ju vallast risti läbi kah, ujja piten.» seletäs tä.

«A ku muialõ sildi är pانتas, sõs kaemi, kas segähüst tulõ vai ei, ja või-olla mõnõ ao peräst otsutas mi volikogo ümbre,» pidä Seeme võimaligus, et kunagi iks ka Kõllõstõ valda vana Võromaa piirisildi üles pandas.

Kama Kaido seletäs, et sildi pääle omgi kirotõt «Vana Võromaa» selle, et mäenestki segähüst es tulnu: Mulgimaa ja Setomaa sildi saa-i kuigi segi minnä ütigi seoaisõ maakunnaga. A lisas vanalõ Võromaalõ om olõman ka põraaignõ Võro maakund, tuu om õnnõ üts jago vanast Võromaa ja lisas toolõ üts jago vanast Setomaa.

«Mäenestki haldusreformi mi näide siltega ei tii,» ütles Kama. «Maakunnapiiiri omma eräle asja, mi mõtõ om tetä

«Uma pido» kodoleht Internetin

Määne piäsi võrokõisi edimäne laulupido «Uma pido» tulõma, kiä laulma nakkasõ ja määne om edimäne kava, tuud saa kaia vahtsõ kodolehe päält

www.umapido.ee

«Uma pido» tulõ 31. lehekuu pääväl (31.05) Võrol Kubija laululava pääl.

UMA PIDO

